

Broj: 05-688-6-1/23
Sarajevo, 03.05.2023. godine

Na osnovu člana 23. Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka g) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuke Komisije za nabavke iz Zapisnika o pregledu i ocjeni ponuda broj: 05-688-5-1/23 od 28.04.2023. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga - Lot 2 (Usluge čišćenja poslovnih prostorija u Mostaru)

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 05-688-5-1/23 od 28.04.2023.godine i ugovor za nabavku usluga spremanja radnog prostora – čišćenje poslovnih prostorija Agencije za bankarstvo Federacije BiH u Mostaru dodjeljuje se ponuđaču „Eurosana“ d.o.o. Banja Luka.

Član 2.

Ukupna vrijednost ugovora iz člana 1. ove Odluke utvrđuje se u iznosu od 6.040,00 KM bez uračunatog poreza na dodanu vrijednost (PDV), što sa uračunatim PDV-om iznosi 7.066,80 KM.

Član 3.

Ugovorni organ će sa izabranim ponuđačem zaključiti ugovor o nabavci usluga, kojim će regulisati međusobna prava i obaveze.

Član 4.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 5.

Za izvršenje ove Odluke zadužuje se i ovlašćuje Sektor zajedničkih funkcija.

Član 6.

Ova Odluka stupa na snagu danom donošenja.

O B R A Z L O Ž E N J E

Odlukom o pokretanju postupka nabavke usluga, broj: 05-688/23 od 21.02.2023. godine, odobreno je provođenje postupka javne nabavke usluga spremanja radnog prostora – čišćenje poslovnih prostorija

za potrebe Ugovornog organa. Javna nabavka provedena je putem otvorenog postupka, a kao kriterij za izbor najpovoljnije ponude odabrana je najniža cijena. U skladu sa članom 35. Zakona o javnim nabavkama, Obavještenje o nabavci broj: 3010-1-2-63-3-33/23 objavljeno je na Portalu javnih nabavki (www.ejn.gov.ba) dana 31.03.2023. godine, a sažetak Obavještenja o nabavci u „Službenom glasniku BiH“, broj: 24/23 dana 07.04.2023. godine. Procijenjena vrijednost predmetne javne nabavke utvrđena je u iznosu od 8.000,00 KM, bez uračunatog poreza na dodanu vrijednost (PDV).

U skladu s Rješenjem Ugovornog organa, broj: 05-688-2/23 od 04.04.2023. godine, imenovana je Komisija za javne nabavke, kojim su definisane njene nadležnosti, a koje, između ostalog, uključuju poslove javnog otvaranja ponuda, pregled i ocjena dostavljenih ponuda, sačinjavanje Zapisnika o pregledu i ocjeni ponuda, te davanje preporuke Ugovornom organu za donošenje Odluke o izboru najpovoljnijeg ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak javne nabavke, te o tome sačinila Zapisnik o pregledu i ocjeni ponuda broj: 05-688-5-1/23 od 28.04.2023. godine, u kojem je konstatovano da je u predmetnom postupku javne nabavke pravovremeno pristiglo ukupno 5 (pet) ponuda.

Na osnovu izvršene analize i ocjene prispjelih ponuda u pogledu kvalifikacijskih i cjenovnih uslova postupka javne nabavke, Komisija je utvrdila:

- da su ponude ponuđača „Ecotime“ d.o.o. Sarajevo, „Eurosan“ d.o.o. Mostar, „Atalian Global Services BH“ d.o.o. Sarajevo, „Samsic“ d.o.o. Sarajevo i „Eurosan“ d.o.o. Banja Luka prihvatljive, obzirom da iste ispunjavaju sve uslove koji su traženi tenderskom dokumentacijom te da su dostavljeni svi traženi dokazi propisani tenderskom dokumentacijom, na propisan način.

Nakon odabira prihvatljivih ponuda, kvalifikovani ponuđači pozvani su da sudjeluju u E-aukciji na Portalu javnih nabavki, koju je zakazala Komisija, shodno članu 4. Pravilnika o uslovima i načinu korištenja e-Aukcije („Služeni glasnik BiH“, broj: 66/16). U sljedećoj tabeli daje se rangiranje prihvatljivih ponuda nakon provedene e-Aukcije:

Redni broj	Ponuđač	Ukupna cijena, bez PDV-a
1.	„Eurosan“ d.o.o. Banja Luka	6.040,00 KM
2.	„Ecotime“ d.o.o. Sarajevo	6.532,00 KM
3.	„Eurosan“ d.o.o. Mostar	7.720,00 KM
4.	„Samsic“ d.o.o. Sarajevo	7.994,00 KM
5.	„Atalian Global Services BH“ d.o.o. Sarajevo	7.996,00 KM

Slijedom navedenog, Komisija je dala preporuku da se ponuđaču „Eurosan“ d.o.o. Banja Luka, saglasno članu 69. stav (1) tačka b) Zakona o javnim nabavkama, dodjeli ugovor u predmetnom postupku javne nabavke usluga.

U postupku donošenja ove Odluke posebno su cijenjene činjenice da je Komisija za javne nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz Tenderske dokumentacije.

Uvažavajući naprijed navedeno, primjenom člana 25., člana 64. stav (1) tačka b), člana 70. stavovi (1), (3) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove Odluke, saglasno članovima 97., 99. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/ Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

1. Ponuđačima u postupku;
2. Sektoru zajedničkih funkcija;
3. a.a.